



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-401-8/23**
Datum: **28.3.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ČAPLJANKA“ d.o.o. Sanski Most, za izdavanje vodne dozvole za ispuštanje tehnoloških otpadnih voda sa lokacije poslovnog objekta za proizvodnju mliječnih proizvoda sa pratećim sadržajima, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola korisniku, „ČAPLJANKA“ d.o.o. Sanski Most, za ispuštanje tehnoloških otpadnih voda sa lokacije poslovnog objekta za proizvodnju mliječnih proizvoda sa pratećim sadržajima, izgrađenog na zemljištu označenom kao k.č. broj: 62/3, 72/1, 72/12, 72/16, 72/17, 72/18, 72/19 i 74/10, K.O. Sanski Most, općina Sanski Most.
2. Ova vodna dozvola se odnosi isključivo na ispuštanje tehnoloških otpadnih voda za predmetni poslovni objekt definisan tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta pogona za obradu i preradu mlijeka i proizvodnju mliječnih proizvoda sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da korisnik, u toku važenja ovog Rješenja, realizira dostavljeni dinamički plan sa finansijskom procenom ulaganja (Prilog A), odnosno da izvede radnje predviđene revidovanom investiciono-tehničkom dokumentacijom, Glavni projekt postrojenja za prečišćavanje tehnoloških otpadnih voda iz mljekare „MILK-SAN“ Sanski Most; urađen od strane pravnog lica sa ovlaštenjem INK CONSTRUCTOR d.o.o. Banjaluka, pod brojem 409-08/19, augusta 2019. godine, u Banjaluci, revidiran od strane pravnog lica sa ovlaštenjem SARAJ INŽENJERING d.o.o. Sarajevo pod brojem ET-601/19, dana 22.08.2019. godine, u Sarajevu, odnosno, da:
 - Izvede pripremne i zemljane radove sa polaganjem cijevnih vodova do kraja septembra 2024. godine,
 - Izvede betonske radove – betoniranje podne ploče cijevastih šahtova do kraja decembra 2024. godine,
 - Završi bravarske radove – izrada noseće čelične konstrukcije za bazen sa ispunom od aktivnog uglja do kraja februara 2025. godine,
 - Okonča montažne radove – nabava i stavljanje u pogon propellerske mješalice sa reduktorom, centrifugalnih potopnih pumpi, čelične rešetke, finog sita i ostale predviđene opreme, do kraja juna 2025. godine,
 - Izvede predviđene elektroinstalacije, do kraja jula 2025. godine,
 - Nabavi i instalira instrumente i ostalu laboratorijsku opremu, predviđenu za internu laboratoriju, do kraja januara 2026. godine,
 - Izvrši ispitivanje izvedenih hidroinstalacija i uređaja na zaptivenost te sačini Zapisnik o izvršenom ispitivanju, do kraja marta 2025. godine.

- Nabavi potrebne hemikalije, filtersku ispunu aktivnog uglja, granule plastike te predviđene granulacije šljunka, do kraja marta 2026. godine.
- 3.3. Opasni materijal i otpad, kako u toku izvođenja radova tako i u toku rada pogona ne smije se ni privremeno odlagati na česticu «vodno dobro», odnosno u vodotok i na njegove obale.
- 3.4. Da se sa opasnim i štetnim materijama (kiselina i lužine, tenzidi, i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.5. Ambalažu onečišćenu tenzidima, kiselinama i slično zbrinjavati u skladu sa propisima o zaštiti okoliša. Sve otpadne materije privremeno skladištiti u odgovarajućim posudama i kontejnerima, koji onemogućuju prosipanje sadržaja i degradaciju tla.
- 3.6. Odabarnim sistemom tretmana otpadnih tehnoloških voda se mora obezbjediti da granične vrijednosti parametara efluenta budu u granicama vrijednosti datih u Prilogu 4 Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24), koji se odnose na proizvodnju mlijeka i mliječnih proizvoda.
- 3.7. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, uređaji za tretman, i dr.) potrebno je održavati i koristiti na način koji će obezbjediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja iz uređaja za tretman otpadnih voda, neophodno je voditi službenu evidenciju i arhivu.
- 3.8. Da se istrošena ulja, nauljene krpe i sav opasan otpad koji se može pojaviti u proizvodnom procesu i u procesu čišćenja i održavanja postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.9. Da se za sredstva, koja će se koristiti za dezinfekciju, obezbjedi posebna prostorija i adekvatna ambalaža.
- 3.10. Da se pribavi odobrenje operatora javnog vodovodnog, odnosno, kanizacionog sistema, za priključke na iste (u skladu sa članom 28. Pravilnika o sadržaju, obliku, uslovima i načinu izdavanja i čuvanja vodnih akata („Službene novine Federacije BiH”, broj: 31/15, 55/19, 41/20 i 63/22).
- 3.11. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
- 3.12. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.13. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda nastalih u krugu mljekare, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
- 5. U periodu važenja ove dozvole, korisnik „ČAPLJANKA” d.o.o. Sanski Most je dužan provoditi sve mjere i aktivnosti propisane istom.
- 6. Korisnik predmetnog objekta je dužan, u skladu sa članom 26 a. stav (1) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24), na obrascu iz Priloga B Uredbe, izvještavati ovu Agenciju i Federalno

ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, i to:

- Prvi put nakasnije do 31.12.2024. godine,
- Drugi put nakasnije do 30.06.2025. godine.

- Na osnovu navedenih izvještaja, ova Agencija će, u skladu sa članom 26 a. stav (2) Uredbe, sačiniti sumarni izvještaj, na obrascu iz Priloga C Uredbe i dostaviti ga Federalnom ministarstvu okoliša i turizma te Federalnom ministarstvu poljoprivrede, vodoprivrede i šumarstva, najkasnije mjesec dana po isteku naprijed navedenih rokova, koji će biti javno dostupni na web stranicama navedenih ministarstava najkasnije u roku od 10 dana od dana prijema sumarnih izvještaja.
7. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) se daje sa rokom važenja do 30.06.2026. godine.
 10. Ovo rješenje o vodnoj dozvoli prestaje da važi ako korisnik predmetnog objekta ne ispuní uvjete iz tačke 3.1. ovog rješenja.
 11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
 13. Uvjet za izdavanje novog vodnog akta je ispunjenje uvjeta navedenih tačkom 3. ovog rješenja i ukoliko isti ne budu ispunjeni neće se moći izdati novi vodni akt, a u skladu sa odredbama Zakona o vodama i Uredbe o izmjeni i dopuni uredbe o uslovima ispuštanja otpadnih voda u okoliš i sisteme javne kanalizacije.

Obrazloženje

Pravno lice, „ČAPLJANKA“ d.o.o. Sanski Most, kao korisnik, obratilo se ovoj Agenciji dana 7.9.2023. godine (zaprimitljen dana 18.9.2023. godine) zahtjevom, broj: 75, za izdavanje vodne dozvole za ispuštanje tehnoloških otpadnih voda sa lokacije poslovnog objekta za preradu mljeka i proizvodnju mliječnih proizvoda sa pratećim sadržajima, izgrađenog u Aleji Šehida broj 23., u Sankom Mostu.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Rješenje o izmjenama podataka, broj: 017-0-Reg-12-000279, izdano dana 17.04.2012. godine, od strane Općinskog suda u Bihaću (ovjerena kopija),
- Uvjerjenje o poreznoj registraciji, izdano dana 06.06.2007. godine, od strane Federalnog ministarstva financija - finansija, Porezne uprave – Kantonalni ured UNSKO-SANSKOG KANTONA (ovjerena kopija),
- Uvjerjenje o registraciji/upisu u Jedinstveni registar obveznika indirektnih poreza, izdano od strane Uprave za indirektno-neizravno oporezivanje Bosne i Hercegovine, broj 04/1-UPP/1-547/07, dana 01.08.2007. godine, u Banjaluci (kopija),
- Kopija naloga za plaćanje upravne pristojbe i federalna administrativna taksa,
- Rješenje kojim se utvrđuje da su radovi na rekonstrukciji i promjeni namjene postojećeg poslovnog objekta – skladišta u proizvodni objekat – proizvodnja mljeka i mliječnih proizvoda, prizemne spratnosti (P), gabaritne vaeičine: 10,80 x 40,00 m + 26,10 x 9,70 m, na građevinskoj parceli označenoj kao k.č. broj: 72/1, 72/12 K.O. Sanski Most, za koji je izdano Odobrenje za građenje broj: UP-1-03-23-2-1162/07 od 01.04.2007. god. investitora d.o.o. „Čapljanka“, izvedeni u skladu sa Odobrenjem za gradnju, projektnom i atestnom dokumentacijom, važećim tehničkim propisima i standardima te da se navedeni objekat za koji je izvršena rekonstrukcija i promjena namjene postojećeg poslovnog objekta u proizvodni objekat – proizvodnja mljeka i mliječnih proizvoda u Sankom Mostu MOŽE KORISTITI; izdano od strane Općinskog načelnika Općine Sanski Most pod brojem: UP-1-03-23-4-889/09, dana 19.05.2010. godine (kopija);
- Rješenje, kojim se odobravaju d.o.o. „Čapljanka“ Sanski Most, Aleja šehida br. 23, kao investitoru, izvedeni radovi na dograđeni dio poslovno-proizvodnog objekta, gabarita 44,50 x 12,50 m, spratnosti prizemlje i sprat (P+1), dograđeni rezervoar za hlađenje vode, gabarita 3,20 x 7,20 m, dograđenu filtersku i kompresorsku stanicu, gabarita 3,40 x 10,10 m i dograđeni dio kotlovnice, gabarita 11,00 x 5,25 m, spratnosti (P), prema Situaciji (prilog 1) Lokacijske informacije broj: 03-23-1-1151/17 od 06.06.2017. godine u ul. Aleja šehida br. 23, na zemljištu označenom kao k.č. broj: 62/3, 72/1, 74/10, 72/12, 72/16, 72/17, 72/18, 72/19 K.O. Sanski Most; izdano od strane Općinske

- službe za prostorno uređenje, građenje i stambene poslove Općine Sanski Most pod brojem UP-1-03-23-2-1939/18, dana 11.04.2019. godine (kopija);
- Izvještaj o monitoringu i ispitivanju otpadne vode, naručitelja „ČAPLJANKA“ d.o.o. Sanski Most; urađen od strane Poduzeća za kontrolu kvaliteta i količinu vode Herkon d.o.o. Mostar pod brojem GI-OV-02-042/23, marta 2023. godine,
- Rješenje, kojim se daje vodna dozvola korisniku „ČAPLJANKA“ d.o.o. Sanski Most, za ispuštanje tehnoloških otpadnih voda sa lokacije poslovnog objekta za proizvodnju mliječnih proizvoda sa pratećim sadržajima, izgrađenog na zemljištu označenom kao k.č. broj: 72/1 i 72/12 K.O. Sanski Most, općina Sanski Most; izdana od strane Agencije za vodno područje rijeke Save Sarajevo pod brojem UP-1/25-3-40-650-14/18, dana 18.11.2019. godine (kopija),
- Idejni projekat prikupljanja i tretmana otpadnih voda iz mljekare „MILK-SAN“ Sanski Most; urađen od strane „IG“ d.o.o. Banjaluka, decembra 2012. godine, pod brojem IZ-IGBL-IN-PR-3903/12 (na uvid - vraćen uz Obavijest o dopuni podneska zahtjeva broj: UP-1/21-3-40-401-6/23, dana 22.01.2024. godine),
- Zaključak o visini i roku za plaćanje posebnih troškova, izdan od strane ove Agencije, broj UP-1/21-3-40-401-4/23, dana 10.10.2023. godine, te kopija Naloga za plaćanje za iste,
- Glavni projekt postrojenja za prečišćavanje tehnoloških otpadnih voda iz mljekare „MILK-SAN“ Sanski Most, urađen od strane INK CONSTRUCTOR d.o.o. Banjaluka pod brojem 409-08/19, augusta 2019. godine, u Banjaluci; revidiran od strane ovlaštenog pravnog lica SARAJ INŽENJERING d.o.o. Sarajevo pod brojem: ET-601/19, dana 22.08.2019. godine, u Sarajevu (na uvid - vraćen uz Obavijest o dopuni podneska zahtjeva broj: UP-1/21-3-40-401-6/23, dana 22.01.2024. godine),
- Izvještaj revizije za Glavni projekat postrojenja za prečišćavanje tehnoloških otpadnih voda iz mljekare MILK-SAN Sanski Most; urađen od strane SARAJ INŽENJERING d.o.o. Sarajevo, augusta 2019. godine (na uvid - vraćen uz Obavijest o dopuni podneska zahtjeva broj: UP-1/21-3-40-401-6/23, dana 22.01.2024. godine),
- Dinamički plan predviđenih aktivnosti sa financijskom procjenom predviđenih ulaganja, dostavljen dana 16.2.2014. godine.

Nakon pregleda dostavljene dokumentacije, u skladu sa članom 12. stav (5) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), izvršen je pregled izgrađenog poslovnog objekta za proizvodnju mlijeka i mliječnih proizvoda sa pratećim sadržajima „ČAPLJANKA“ d.o.o. Sanski Most, i tom prilikom sačinjen zapisnik o uviđaju broj: UP-1/21-3-40-401-5/23 od 12.10.2023. godine, pri čemu je utvrđeno:

Objekt za preradu mlijeka i proizvodnju mliječnih proizvoda sa pratećim sadržajima „ČAPLJANKA“ d.o.o. Sanski Most, je lociran u ulici Aleja Šehida, na broju 23, u Sanskom Mostu.

Predmetni pogon za preradu mlijeka se sastoji od proizvodnog objekta sa uređajima za preradu i pakovanje te mini laboratorijom, bazena za hlađenje, objekta sa upravnim i skladišnim prostorom gotovih proizvoda, prijemne stanice mlijeka, termokomore – hladnjače, portirnice, prostora za smještaj ambalaže te manipulativnog i parkirnog prostora. U međuvremenu je na prostoru prizemnog skladišta izveden objekt od prefabricirane montažne konstrukcije na sprat. U prizemlju je izvedena linija za pakovanje mlijeka, takozvana UHT linija te prostor sa garderobama i sanitarijama, koji razdvaja čisti proizvodni dio od nečistog dijela pogona. Na spratu su izvedene upravne i sanitarne prostorije sa skladištem ambalaže. Na stražnjoj strani objekta, prema livadi je izveden prečištač otpadnih voda, koji nije završen, ali je stavljen u funkciju.

U objektu se vrše slijedeće radnje: prijem mlijeka, prečišćavanje mlijeka, hlađenje (primjenjen zatvoren sistem cirkulacije vode za hlađenje) i skladištenje sirovog mlijeka, toplotna obrada – pasterizacija, homogenizacija mlijeka, sterilizacija, hlađenje, punjenje i zatvaranje ambalaže te skladištenje i isporuka mlijeka, odnosno mliječnih proizvoda.

Sanitarne otpadne vode iz objekta upravne zgrade su kanalizacionim cijevima sprovedene na gradsku kanalizacionu mrežu.

Oborinske vode sa krovova su sistemom horizontalnih i vertikalnih oluka sprovedene do manipulativnih i zelenih površina.

Tehnološke otpadne vode koje nastaju u tehnološkom procesu (cca 20 m³/dan) pri pranju i čišćenju opreme i uređaja (automatsko pranje zatvorenih sistema), radnih površina (kaustična soda – NaOH, za uklanjanje slojeva masti i proteina i azotna kiselina – HNO₃, za uklanjanje azotnih slojeva) te u procesu salamurenja sira, se kupe slivnim rešetkama i cijevnim sistemom odvođe do egalizacionog bazena (35 m³) na ujednačavanje dotoka prije primarnog procesa obrade – taloženja. Prethodno se moraju odvojiti masti na separatoru. Ispust iz egalizacionog bazena se vrši u kanal (suho korito) na zemljištu sa stražnje strane predmetnog objekta. Ispust je udaljen od rijeke Sane oko 100 metara.

Otpadna voda iz egalizacionog bazena nije priključena na postrojenje za membransko-biološku filtraciju, kako je to predviđeno priloženim Idejnim projektom prikupljanja i tretmana otpadnih voda iz mljekare. Korisnik nije realizirao radove predviđene Idejnim projektom za prečišćavanje otpadnih voda, a koji se odnose na primarni i sekundarni tretman otpadnih voda, odnosno nije izveden separator za odvajanje ulja i masti krupnih suspendovanih materija za primarni tretman otpadnih voda.

MBR rekatorom za sekundarni tretman otpadnih voda. Čitav sistem, od slivnih podnih rešetki do ispusta otpadnih voda, se čisti i kontroliše se ispravnost istoga dva puta godišnje.

Investitor je, umjesto naprijed navedenih uređaja za primarni i sekundarni tretman otpadnih voda, izveo pet sabirnih bazena kružne osnove, promjera 2 metra i visine 3 metra svakog bazena. Preliv iz egalizacionog bazena je predviđen da se priključi na posljednji bazen, gledano od objekta. U tom bazenu je predviđen smještaj separatora za odvajanje masti. Voda se cijevnim sistemom prelijeva kroz bazene. Slijedeća dva bazena su predviđena za aeraciju – oksidaciju. Naredna dva bazena su predviđena za proces flokulacije i taloženja uz dodavanje gašenog kreča. Nakon toga bi se voda prepumpavala u prvi bazen, u kojem bi se vršio tretman otpadne vode aktivnim ugljem. Preliv iz prvog bazena je predviđen da se cijevnim sistemom ispod objekta izvede prema ulici. Unutar dvorišta je predviđena izgradnja sabirnog bazena. U sabirni bazen je predviđeno da se ugradi koalescentni filter radi odvajanja preostalih količina masti, a prije ispusta u kolektor javnog gradskog kanalizacionog sistema. Na cijevnom vodu, prije priključenja na kolektor kanalizacionog sistema, je predviđena izrada okna za uzorkovanje prečišćene otpadne vode, monitoring okno.

Za hlađenje u procesu pasterizacije i fermentacije mlijeka se koristi voda iz bazena za hlađenje pogonjena pumpnom stanicom kroz zatvoren sistem cirkulacije vode.

Interne saobraćajne površine, uključujući i manipulativni prostor za pretakanje mlijeka iz autocisterne u dva laktofriza (kapacitet 10 m³ i 3 m³), su asfaltirane sa nagibom prema ulaznoj kapiji, gdje se slijevaju ka uličnom slivniku, odnosno kanalu odvodne kanalizacije, koji nije dio gradskog kanalizacionog sistema za koji je izdan vodni akt, bez prethodnog tretmana.

Mjerenjem kvaliteta otpadnih tehnoloških voda i priloženim izvještajem o istom od 13.09.2018. godine, utvrđeni su rezultati koji nisu u skladu sa dozvoljenim vrijednostima propisanih Uredbom, za slijedeće materije:

- Ukupna količina taloživih tvari / 1,7 ml/l
- Kemijska potrošnja kisika (KPK) / 684 mgO₂/l
- Biokemijska potrošnja kisika (BPK₅) / 269 mgO₂/l
- Količina ukupnog fosfora / 10,5 mg/l.

Mjerenjem kvaliteta otpadnih tehnoloških voda i priloženim izvještajem o istom od 16.03.2023. godine, utvrđeni su rezultati u skladu sa dozvoljenim vrijednostima propisanih Uredbom.

Na izvedeno stanje bazena je urađena projektna dokumentacija (Glavni projekt postrojenja za prečišćavanje tehnoloških otpadnih voda iz mljekare „MILK-SAN“ Sanski Most, kojom je predviđeno slijedeće:

- Odvajanje čvrstih materija, prečnika većeg od 30 mm, na gruboj rešetki te odvajanje čvrstih materija, prečnika većeg od 2 mm, na finom demontažnom situ (mehanički tretman otpadnih voda),
- Fizičko-hemijski tretman čine slijedeće radnje:
 - Prijem tehnoloških otpadnih voda iz mljekare u sabirni bazen te prepumpavanje vode u bazen 2
 - Egalizacija i odvajanje masnoća u bazenu 2. U ovom bazenu će se dodavati hipohlorit (50% NaOCl), do postizanja vrijednosti kiselosti pH=4-5, uz lagano mješanje propelerskom mješalicom. Vršiti se odvajanje masnoća na površini vode, neutralizacija mliječne kiseline od surutke, primarna dezinfekcija vode. Masnoće se prenosnom pumpom skladište u prenosnu burad. Voda sa dna bazena se prepumpava u bazen 3, na proces aeracije.
 - Aeracija otpadne vode komprimiranim vazduhom, pritiska 3 bar, u bazenima 3 i 4 (cijevni spoj pri dnu bazena). U bazen 4 će se dodavati krečno mlijeko, koncentracije 10 kg (Ca(OH)₂) u 200 litara vode, do postizanja vrijednosti pH=6-7. Treba da izvrši smanjenje BPK₅, štetnog azota, fosfora, amonijaka i nitrata. Voda se potopnom pumpom prepumpava u bazene 5 i 6.
 - Talozenje i neutralizacija u bazenima 5 i 6 (cijevni spoj pri dnu bazena). U bazen 6 se dozira krečno mlijeko do postizanja pH=7-8, uz lagano mješanje propelerskom mješalicom. Prepumpavanje vode u bazen 7, sa ispusnom cijevi u gornjem dijelu bazena 7 (iznad filtera).
 - Filtracija vode u bazenu 7, brzinom 7-12 m/h, aktivnim ugljem. Završna faza tretmana tehnoloških otpadnih voda, kojom se vrši sedimentacija taložnih materija, koagulacija preostalih masnoća, flokulacija-izbistravanje otpadnih voda, konačna neutralizacija otpadnih voda uz postizanje fungicidnog efekta i adsorpcija bio-hemijskih štetnih primjesa na tamponu aktivnog uglja. Prepumpavanje prečišćene vode u bazen 8.
 - Prelivni bazen (bazen 8) koji služi za uzorkovanje prečišćenih tehnoloških voda.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07). Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdato ovo rješenje i koji se trebaju ispoštovati u toku važenja istog.

Na osnovu provedenog postupka i utvrđenog činjeničnog stanja, doneseno je rješenje kao u dispozitivu. Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „ČAPLJANKA“ d.o.o. Sanski Most, Aleja Šehida 23., 79 260 Sanski Most
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča Agencije